

Aretxagazeta

ARETXABALETA / Egubakoitza / 2006ko urtarrilaren 20a

408. zenbakia

-KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxe: 943 77 18 54 • Posta elektronikoa: aretxagazeta@goiena.com • Lege gordailua: SS378/94

Zuhaitz eta zuhaixkak kentzeko lanak aurrera doaz Urkulun

MIRARI ALTUBE

Joan zen asteen hasi ziren Urkulu urtegiko zuhaixka asko eta hainbat zuhaitz kentzen. Kanpotik ekarritakoak dira kenduko dituzten guztiak, eta horien ordez bertakoak landatuko dituzte. Naturgintzak egindako proiektuari jarraiki dabilta egiten lanak.

Urkuluko diketik eskumako alde-
ra dagoen tartean dabil Oiar-
tzungo Berdabio basogintza
enpresa zuhaixkak kentzen. Aste
honetan bertan kenduko dute
ibilbidearen bueltan zegoen hes-
kai guztia.

BERTAKO ZUHAIXKAK LANDATU

Udalak aginduta egin zuen proiektua Naturgintza fundazioak Urkulu biziberritzeko. Ur ingurua txukuntzarekin hasi dira, eta horretarako bere garaian kanpotik ekarritako zuhaitz eta zuhaixkak kentzea gomendatu zuten Naturgintzako kideek. Kiko Alvarez proiektuaren arduradunaren esanetan politikak izan arren landareok hegazti eta animalientzako ez dute batere baliorik. Hala, ailanthusa, platanok eta konifera batzuk kendu dituzte; baita pyracanta izena duen zuhaixka ere. Horien ordez, elorri zuria, elorri beltza, basa-erramua, zuma-lakarra eta beste horrenbeste

zuhaixka landatuko dituzte. Baita lizarrak, haltzak eta urkiak ere. Ibilbidearen bueltan landatuko duten zuhaixkak haizearengandik babestuko ditu urtegiko hegaztiak baina horrez gain, elikagaiak izango dira.

Aipatutako lan guztiok 259 mila euroko aurrekontua daukate, eta ia 4.000 landare landatuko dituzte. Zuhaitz eta zuhaixkak kentzeko lanak hamabost egunen buruan bukatu arren landaketek luzeago joko dute. Horregatik martxo ingururako bukatuko dituzte lan guztiak. Landaketa egiteko garai egokia daukate orain, udaberriaren gero hazteko.

HEGAZTI KOPURUA BEHERAKA

Ur bazterrak txukuntzen dituztenean hegaztiak bizi diren ingurunearekin hasiko dira. Urtegi erdian dagoen irlan babes funtzioa izango duen horma jarriko dute. Neurri horiekin guztiekin hegaztien kopuruak gora egiten duen aztertuko dute. Izan ere, azken urteotan beheraka doa Urkulura datozen hegazti kopurua: lehen 1.000tik gora etortzen baziren negua pasatzera, iaz 300 inguru bakarrik izan ziren.

Urkuluk atsedenaldirako ematen dituen aukerak bultzatuko dituzte: paseoan egin, bizikletan ibili edo patinekin ibili, baina hegaztiendako gunea babes-tuaz. Horregatik, txoriak ikusteko hiru behatoki jarriko dituzte txukuntze lanok bukatutakoan. Informazioa emango duten hiru panel ere laster ikusiko ditugu: Urkuluko ezaugarrien, hegaztien eta heze guneen berri emanaz.



Danbor hotsak ikastetxe guztietan

Gabonak pasatu ahala hasi ziren danborrak astintzen ikastetxeetako umeak. Aste honetan, gainera, gogor jardun dute hitzordu garrantzitsua dutelako gaur, San Sebastian eguna, guraso, aiton-amona eta lagunen aurrean. Sarriegiren doinuak ondo baino hobeto ikasi dituztela erakutsiko dute Kurtzebarri eskolako zein Basabeazpiko umeek. Pausoka haur eskolakoeke ere, txikiagoak izan arren, egin dute goizean danborrada, eta a ze gustura jardun duten burrundara ateratzen. / M.A.

LABUR

Sendabelarren gaineko berbaldia egingo du Zorion Intxaustik datorren egunean

Datorren urtarrilaren 26rako, eguna, sendabelarren gaineko berbaldia antolatu du Loramendi Euskara Elkartek. Zorion Intxausti aditua etorriko da udaletxe zaharrera, 19:00etan.

Bestalde, egubakoitzean, urtarrilak 27, Loramendi Literatura Lehiaketako sari banaketa ekitaldia egingo dute udaletxe zaharrean, 19:00etan. 217 lan jaso zituzten abenduan Loramendin, eta orain lanik onenei sariak emango dizkiete.




Hamabost egun barru zuhaixkak kentzeko lanak bukatu eta landatzen hasiko dira.



Kalitate goreneko estalketa elektrolitikoak

MIRVAT. Elkarte kooperatibo mugatua
Aingeru Guarda pasealekua 41
ESKORIATZA
943 71 45 06 Faxe: 943 71 50 05
www.mirvat.com



FARMAZIENTXANDA

ZAPATUA, 21
FRAILE: Herriko Plaza, 10. 943 79 21 99

DOMEKA, 22
FRAILE: Herriko Plaza, 10. 943 79 21 99

TELEFONOAK

OROKORRAK

- Almen..... 943 71 49 07
- ARETXAGAZETA..... 943 79 86 21
- Faxa..... 943 77 18 54
- Basoko..... 943 77 09 81
- Euskaltegia..... 943 79 21 68
- Gizarte laguntzailea..... 943 71 18 62
- Industriaidea..... 943 79 62 80
- Instituta..... 943 79 79 00
- Kirol etxea..... 943 71 26 28
- Kultura etxea..... 943 71 10 27
- Gazteria saila..... 943 71 10 27
- Kurtzebarri Eskola..... 943 79 00 49
- Kurtzebarri BHI..... 943 79 57 40
- KZGunea..... 934 79 94 44
- Liburutegia..... 943 71 18 62
- Loramendi EE..... 943 77 09 70
- Ludoteka..... 943 79 05 81
- Mankomunitatea..... 943 79 30 90
- Murrutiko ME..... 943 79 93 74
- Musika Eskola..... 943 79 36 50
- Osasun etxea..... 943 71 19 59
- Otalora..... 943 71 24 06
- Parrokia (bulegoa)..... 943 79 18 42
- Pausoka Haur Eskola..... 943 77 03 77
- Postetxea..... 943 79 28 31
- Basabeazpi Ikastola..... 943 71 21 18
- Taxi gettokia..... 943 77 12 64
- Udal Bulegoak..... 943 71 18 62
- Udaltzaingoa..... 943 71 18 63
- Urats Gain..... 943 79 99 11

UDALTAINGOIA

Airasate..... 943 79 14 39

LARRIALDIK

- SOS Deiak..... 112
- Eskualde Ospitalea..... 943 03 53 00
- Ertzaintza..... 943 79 71 99
- Gurutze Gorria..... 943 76 55 76
- Larrialdiaik..... 943 46 11 11
- Suhiltzaileak (Oñati)..... 943 78 28 00

Seigarren Kanuto deuna ospatuko dute bihar

M.A.

Urteroko jaia egingo dute Kanuto deunaren jarraitzaileek bihar. Seigarrena da dagoeneko, eta musika eta bazkaria izango dituzte. Bolo txapelketarekin hasi eguerdian eta Ezkutu tabernan egingo duten jaiarekin bukatuko dute eguna Kanutoren jarraitzaileek.

Marihuanaren zaindari izendatu zuten Kanuto 2000. urtean eta geroztik urtero ospatu izan dute herriko hainbat gaztek eguna.

HERRI BAZKARIA FRONTOIAN

Goizeko hotza alde batera utzi eta giroa berotzen hasteko bolo txapelketa egingo dute 12:00etan; ardo eskainiko diete hurbiltzen

direnei, barrua berotzeko. Txikiteo ostean, herri bazkaria egingo dute Iturrigorri frontoian. Orkestra-gizonak girotuko die bazkalostea, eta harekin batera ezustekoren bat ere izango da. Makulele eta Capoeira erakustaldiak egongo dira arratsalde partean. Senzala taldearen eskutik.

OMENALDIA ZAINDARIARI

Ezin bukatu, baina, eguna zaindariarekin gogoratu barik. Hala, lehenengo kalejira egingo dute Kanuto deuna aldean hartuta gaitarien laguntzarekin eta gero Txiki Barren salda beroa hartu ostean, omenaldia egingo diote.

Eguna bukatzeko jaia antolatu dute Ezkutu tabernan. 23:00etan Gaiteru's Banden kontzertua egongo da, eta ondoren DJ jaia, indar barik geratu artean.



Gaitarien laguntzarekin egingo dute kalejira kalean Kanuto deunarekin.



Olioia jasotzera hamabostean behin

Etxean erabilitako olioak batzera hilean behin etorri izan da puntu berde mugikorrekotako automobila, baina urte berriarekin batera hamabostean behin hasi da etortzen. Lehen bezalaxe azoka egiten den gunean, Belorrieta auzoan, egongo da 09:00etatik 13:00ak bitartean. Astelehen honetan bertan egon denez hurrengo hitzordua urtarrilaren 30ean dauka. Bide batez gogoratu, traste zaharrak jasotzera eguenetan pasatzen direla 20:00etatik 22:00etara, baina aurrez deitu egin behar da. / M.A.

LABUR

Bihar, zapatua, ospatuko dute San Bizente eguna areantzarrek meza eta afariarekin

Urtarrilaren 22an izan arren San Bizente eguna, Areantzako auzotarrek bihar ospatuko dute. Txistularien doinuak eta etxafuegoak izango dituzte eguna girotzeko. Goizean auzo lanerako elkartuko dira eta 17:00etan meza izango dute San Bizente ermitan. Garaikotik bueltatzea emandakoan Matikun elkartuko dira afaltzeko.

Araitz Lizarriturri Etxenausia, Loramendiko bazkide gazteena



Loramendi Kultur Elkarteko bazkiderik gazteena da Araitz, 408. bazkidea. Loramendiko lagun partetik, zorionak Olaia eta Asier gurasoei. "Harrobia" hazten doala ikusteak sekulako poza eman die Loramendiko kideei.

Hirigintzako erdi mailako teknikaria behar du Udalak hutsik geratuko den postua betetzeko

Aitziber Mendigain hirigintzako teknikariak utziko duen lanpostua bete gura du Udalak. Hala, urtarrilaren 17ko GAOn argitaratu zituen lanpostua betetzeko oinarriak. Estatuko Aldizkari Ofizialean argitaratu ostean 20 egun izango dituzte interesatuek izena emateko.

PIENSOS
SUNZUE S.A.

FELIX PAGALDAY

Laborantza tresnak
Ongarriak- Haziak

Mitarte 7 behea
ARETXABALETAK
Tel.943 77 00 33/79 42 56

ZARAIA taberna

Goizeko 06:00etik irekita
Araba Ibilbidea 20 ¥ ARETXABALETAK
Tel.: 943 79 88 95



Partidu guztiak galduta hasi dute Udaberriko Pilota Txapelketa

M.A.

Joan zen astean hasi zuten Udaberriko Pilota Txapelketa. Herriko bost bikote dabilta jokatzeko: hiru senior mailakoak eta beste biak kadeteen artekoak. Gaur, egubakoitza, hiru partidu jokatu dituzte Iturrigorri frontoian, 19:00etan hasita.

Joan zen astean hasi eta apirila bitartean jokatu dute eskuz binakako Udaberriko Pilota Txapelketa. Aretxabaletako pilotariak ez dute batere ondo hasi txapelketa.

LAU PARTIDUAK GALDU

Senior zein kadete guztiak galdu egin zituzten partiduak. Etxean partidu bakarra jokatu zuten, Uriarte eta Oion seniorrek. 10-22 galdu zuten usurbildarren aurka. Hain zuzen, senior mailako beste bi bikoteek ere usurbildarren aurka jokatu zuten, baina kanpoan. Lasagabaster eta Altzolak 22-12 galdu zuten eta Errasti eta Kortabarriak, 22-10. Unai Errastik ezin izan zuen joan, eta horregatik Kortabarriak jardun zuen haren ordez.

Kadeteek partidu bakarra jokatu zuten; Gardoki eta Akizuk 22-16 galdu zuten Donostian Antiguoko bikotearen aurka. Perez de Labeagak eta Uribarrenek, ostera, atsedendia izan zuten.

MARTUTENERA JOKATZERA

Txapelketa luzea da, baina partiduak irabazten hasi behar dute



ARTXIBOA

Ea herritarrek emandako berotasunarekin partiduak irabazten hasten diren.

atzean geratu ezean. Aste honetan bost bikotetik hiruk etxean dituzte partiduak. Gaur, egubakoitza, 19:00etan izango dira, Itur-

rrigorri frontoian: Gardoki eta Akizu kadeteek Amezketa Zazpitturri elkarteko pilotariak izango dituzte aurrez aurre. Errasti anaiek Zumarragako Beloki elkartekoak; eta Lasagabaster eta Altzolak, Elgetako Ozkarbi elkartekoak. Guztiak ere eskertu egingo dute herritarren berotasuna partidua jokatu bitartean.

Uriarte eta Oionek ere gaur bertan jokatu dute, Lazkaon. Eta Perez de Labeagak eta Uribarrenek bihar, zapatua, 16:30ean izango dute partidua eskoriatzarren aurka.

Aste honetan bost bikotetik hiruk etxean jokatu dituzte partiduak, gaur, 19:00etan

LABUR

Garaipenarekin hasi du liga Arlutz xake taldeak eta bihar, etxean jokatu du

Uste barik irabazi zuen partida Arlutz xake taldeak joan zen astean Errenteriako Fomento Culturalen aurka. 1,5 eta 2,5 puntu lortu zituen talde bakoitzak; ez hori bakarrik, oso gustura jardun zuen laukote aretxabaletarrak eta pozik itzuli ziren etxera.

Bihar, zapatua, Gasteizko Ruta de Europa taldea izango dute aurrez aurre. Talde gogorra hau ere, Ohorezko ligan jokatzeko dute gehientsuen bezalaxe, baina partida polita egiten saiatuko dira Arlutzeko kideak. Iralabarri plazako 5. zenbakian dute egoitza jokatu dute, 16:00etan. Herritarrek ikusi gura izanez gero zabalik izango dituzte ateak xake jokalariek, isiltasuna da eskatzen duten bakarra.

Sailkapeneko lehenengo postuan indartsu dago kadeteen lehenengo mailako taldea

Benetan liga dotorea egiten dabil UDA-Arizmendiko kadeteen lehenengo mailako taldea. Jokatuak 15 partiduetatik bakarrik galdu du, eta beste bat berdindu, eta 40 puntu dituzte dagoeneko. Ez hori bakarrik, 65 gol sartu dizkiete aurkariei eta euren bost baino ez dizkiete egin. Joan zen asteburuan, esaterako, 4-0 irabazi zuten Martutene taldearen aurka. Benetan indartsu dabilta Vicente Calzonek entrenatzen dituen mutikoak, eta lehenengo daude sailkapenean, bigarrena den Elgoibarri lau puntu aterata.

Bihar, zapatua, etxean jokatu du Aitzgorri taldearen aurka. Mutikoen ilusio eta indarrarekin gozatu gura duenak 11:30ean, Ibarra futbol zelaira hurreratu besterik ez du.

PARTIDUAK

FUTBOLA

UDA/Arizm.-Burumendi
Lehen mailako gazteak.
Domeka, 17:30. Ibarra.
UDA/Arizm.-Aitzgorri
Lehen mailako kadeteak.
Zapatua, 11:30. Ibarra.

PILOTA

Aretxab. - Zazpitturri
Aretxab. - Beloki
Aretxab. - Ozkarbi
Egubakoitza, 19:00. Iturrigorri.

EMAITZAK

FUTBOLA

UDA 3 Mutriku 1
Preferentea.
Ikasberri 1 UDA 1
Bigarren mailako erregionala.
Eibartarrak 2 UDA/Arizm. 3
Ohorezko gazteak.
UDA/Arizm. 5 Eibartarrak 0
Lehen mailako gazteak.
UDA/Arizm. 4 Martutene 0
Lehen mailako kadeteak.
Ordizia 0 UDA/Arizm. 6
Ohorezko infantilak.

UDA/Arizm. 2 Vasconia 1
Infantil txikiak.
UDA/Arizm. 3 Aloña Mendi 1
Emakumezkoen liga.
Ordizia 4 UDA/Arizm. 4
Emakumezkoak F-8.
UDA 7 Urko 3
Alebinak.
Jostaldi 4 UDA-Mercedes
Goiko 1
Areto futbol.

Mobiliario
ARENAZA


- ALTZARIAK
- DISEINUA
- APAINKETA

Bizkaia 1 - Tel.: 943 79 08 07
ARETXABAETA

Iber

Loteria
Paper denda
Liburuak

Otalora 2.
ARETXABAETA
Tel.: 943 79 04 39




Loteria primitiboak
eta kinielak

DORLETA TABERNA

Loramendi, 8 Tel.943 79 94 15
ARETXABAETA

propaganda
kartelak
kartak
jai egitarauak
pegatinak
liburuak
etiketak
txartelak
errekordatorioak
gonbidapenak
errebistak
inprimakiak



EGUSKIGRAF
inprimategia

Aretxabaletako Industrialdea F-0-4

20550 Aretxabaleta

Tfnoa: 943 791 844 - Faxa: 943 792 941

E-mail: info@eguzkigraf.com

1979urtetik
zure zerbitzura

ATREBENTZIAEZPADA/ Segurtasun ezak: lapurretak auto eta dendetan... gora egin dauela uste dozu?



FELIX KORTABARRIA
Jubilaue



ALAITZ ZUAZUBISKAR
Ikasle



RICHMAN NUÑEZ
Langillie



JOSUNE ZUGAZAGA
Langillie



VICENTE ARGAIZ
Langillie



BEGOÑA AMEZUA
Langillie

Ez dakit ba... Zeozer gehixau baietz esango nauke. Langabezia haundixe dauelako izengo da. Gaiñera, kanpotik jente asko etorri da, eta horreik danok euki-ko daue zerikusixe.

Entzun, entzun dot, baiñe neuri ez jat ezer pasau. Ni Oñatikue naz eta hillebetien bi tabernatan egin daue lapurretan. Neurrixek hartu arren norberan eskuetan ez dauela uste dot.

Igez autotik irratixe kendu eustien auzuen bertan. Bes-telakuen ez dot ezer euki, baiñe ezauketan dot arazuek izen dittuen jentie. Bai, igerten dala esango neuke.

Bilbokue naz eta kalien bertan be asko igerrri dutzou burrukak eta halako kontuek. Gure alkatiek, baiñe, segittuen konponduko dusku arazuek, astien bertan esan dauen moduen.

Niri neuri ez jat ezer pasau, baiñe entzuten da han eta hamen segurtasun falta dauela. Toketan jakonari neurrixek hartzen saiatuko da, baiñe ez dot uste norberan eskuetan dauenik.

Bai; Santanderkue naz, eta han igerrri dou. Horren aurrien neurri larrei be ezin da hartu: poltsiei hobeto heldu edo garaje baten sartzerakuen lelengo begiretu, baiñe gehixau ez.

TXALOAKETATXISTUAK



TXISTUAK ZUHAITZ MOZKETAK Herrian egiten dituzten zuhaitz mozketen ganean luze egin daitekeela berba diosku herritar batek; orain, bi zuhaitzek kezkatu dute. Kurtzebarri eskolako patioan oker-oker egin da zeuden biak, arriskutsu. Hirigintza Sailean salatu, eta bota egin zuten bat; irtenbiderik samurrena herritarraren esanetan, baina bigarre-na egoera berean dago. Ea bota barik konpontzen duten arazoa. / M.A.

ORAINDELA 3URTEARETXABALETAN

Laugarren udaltzaina hasi zen lanean

Hain zuzen, 2003ko urtarrilean hasi zen lanean herriko laugarren udaltzaina: Iban da Silva aretxabaletarra. 23 urte zituen, eta hainbat azterketa gainditu ostean eman zioten udaltzain jantzia. Martin Garai, Alberto Cillaurren eta Jose Nuñezen udaltzain taldea osatu egin zuen Ibanek.



ASTEKODATUA

408

ZENBAKIA DU LORAMENDIKO BAZKIDE GAZTEENAK

Urtarrilaren 11n jaio zen eta Araitz Lizarriturri Etxenautia du izena Loramendi Eeko bazkide gazteenak. Gainerako herritarrek erabaki bera hartzea gura-ko lukete Loramendiko kideek.

BESTEKEESANA

Izugarritzko ilusioa daukate laburmetraia egiten dabilzan Atzegiko kideek. Dagoeneko hurrengo

zapatuan egin behar duten grabaketan pentsatzen daude. Benetan sakon bizi dute laburmetraiarean kontua.

Martxoaren 31 baino lehen Donostiako Atzegiko bulegora eraman behar da laburmetraia. Erabakia izango da Atzegiko kanpainarekin batera, nik uste Aste Santu ostean, apiril bukaeran edo maiatz hasieran. Uztailean Italian aurkeztuko ditugu nahiz eta hango lehiaketa urrian izan.

Gidoia atzetik aurrera egin genuen. Aretxabaletan Aratuste sendoak ditugu, eta hain zuzen egun horretan bukatuko den zerbait egitea pentsatu genuen.

JOKIN ANTIXIA
Arrasate irratia/06-01-16

HERRITARRENBERBAK/ Edorta Mendieta



Adi, behatzen gaituzte

Kuriosoa da nola aldizka badiren zenbait termino edo kontzeptu modan jartzen direnak. Eta nola preziatzen den edozein kudeatzailek berauek erabili beharra duen. Bestela ez litzateke eta inor bere mundu-txoan. Eta emango luke, gainera, ez duela probetxuzko ezer egiten. Koitadua.

Aspaldiko partez behatokien txanda da. Ez dakit konturatu zaretan baina azken aldi honetan edozein gauzatarako behatoki bat martxan jartzea da modan dagoena; Versaceren arropak janztea baino "fashionagoa".

Badira behatokiak informazio eta telekomunikazioen gizar-tearen behaketarako. Baita zibergizar-tearen behaketarako ere. Edo eta krisien behaketarako sortu direnak. Osasuna eta emakumeak, biolentzia, globalizazioa, lehortek, etxebizitza, Europaren kanpo politika, basoak, elikagaien prezioak, giza eskubideak,

gazteria, hirugarren adina, ingurugiroa, migrazioak... edozertarako behatokiak daude. Bai hemen, eta baita mundu guztian ere. Badago bizikletaren behatoki bat ere. Hau Donostian.

Helburua ei da asuntu konkretu baten egoera behatu

(noski!), datuak lortu, analizatu eta informazio estrategi-ko baliotsuz beteta dauden txostenak argitaratzea, ustez, agintari burutsuren bati erabaki egokia hartzen lagunduko diotelakoan.

Goitik behera behatuta,

analizatuta eta klasifikatuta gaude. Baina gure arazoak ia berberak dira eta leku berberetan jarraitzen dute; baita apurtutako baldosak, gaizki aparkatutako automobilak, txakur kakak eta errepedeetako zuloak ere. Hauek konpondu ahal izateko ere behatokiak sortu behar ote ditugu edo nahikoa litzateke dagokionaren partetik proaktibitate eta erantzukizun sozial apur batekin?

"Goitik behera behatuta, analizatuta eta klasifikatuta gaude. Baina gure arazoak ia berberak dira"